




讀易散記——升卦六爻

自明

䷵九二。孚乃利用禴，无咎。

虞翻注：「禴，夏祭也。孚謂二之五，成坎爲孚。離爲夏，故乃利用禴。无咎矣。」

依李氏疏解釋。禴，夏祭也。詳見萃二。二之五成坎（坎象半見），坎卦辭「有孚」，爲孚。九二之五，與六五易位，則三四五爲互體離，離爲夏時，故曰：「乃利用禴。」九二失位，宜有咎。升居五位得正，故「无咎」。

李疏案語。「愚案：萃六二孚乃利用

禴者，二應五故孚。升九二孚乃利用禴者，二之五故孚。孚則尚實不尚文，故利用禴。禴，薄祭也。」

象傳曰：「九二之孚，有喜也。」

虞翻注：「升五得位，故有喜也。」

干寶注：「剛中而應，故孚也。又言乃利用禴，于春時也，非時而祭曰禴。然則文王儉以恤民，四時之祭，皆以禴禮，神享德與信，不求備也，故既濟九五曰：東鄰殺牛，不如西鄰之禴祭，實受其福。九五坎，坎爲豕。然則禴祭以豕而已，不奢盈于禮，

故曰有喜矣。」

依李氏疏解釋。

虞注○九二之五位，坎象半見，坎爲孚。九二升五得正，陽爲喜，故有喜。

干注○九二陽剛，居內卦之中，而應乎五，故孚也。「又言乃利用禴，于春時也」者，禮記王制篇曰：天子四時宗廟之祭，

「春曰禴。」據周禮爾雅，禴爲夏祭，是周朝禮制，故鄭氏以「春曰禴」爲夏殷兩朝之禮。禴，薄也。四時之祭皆薄，不必春時，故干氏注：「非時而祭曰禴。」繫辭下傳：二與四同功。六四爻辭言文王「用亨」，故引文王以明「用禴」之義。文王節儉，以恤民眾，故四時之祭皆尚約不尚奢。蓋「黍稷非馨，明德惟馨。」（尚書君陳篇，周公既沒，周成王命周公之子君陳之言。）所以，神明享受明德與誠信，不求完備的祭祀物品。既濟九五爻辭曰：「東鄰殺牛，不如西鄰之禴祭，實受其福。」既濟九五在上體坎中，說卦傳云：「坎爲豕。」禮記曲

禮曰：「凡宗廟之祭，牛曰一元大武，豕曰剛鬣。」首以牛，牛是大牲。次以豕，禴祭用豕爲祭品。故鄭君亦以爲禴祭不殺牛而用豕。孚以誠信，不尚奢盈，故「有喜也。」

䷭九三。升虛邑。

荀爽注：「坤，稱邑也。五虛无君，利二上居之。故曰升虛邑，无所疑也。」

依李氏疏解釋。虞氏逸象：「坤爲土。」坤土，故稱邑。陽實陰虛，陽爲君，五陰虛无君。三利九二陽爻上居于五，而且九三居下卦之上，互體震足爲升，上近上卦坤初，故曰：「升虛邑。」三與五皆得正位，故象傳曰：「无所疑也。」

象傳曰：「升虛邑，无所疑也。」

虞翻注：「坎爲疑，上得中，故无所疑也。」

李氏纂疏：「二之五體坎，坎心爲疑，五得中位，三又同功，故无所疑也。」